

陶

齋

臧

石

記

旬齋藏石記卷四十一

遼

感化寺禪師智辛塔記

石高一尺七寸五分廣二尺一寸六分二十七行行二十二字
正書

盤山上方感化寺故辛禪師□利塔記

靈龍軍節度掌書記

六約

書監察御史賜緋魚袋張明記

粵惟開示悟入四義昭然達此真乘深信禪理心非心所繫法無法可宣萬有都亡一言頓悟復□系三祇而精進觀四智以通明即我感化寺辛禪師者矣禪師諱智辛俗姓王氏金臺三河人也昔有成周而分玉胄慶派緱嶺世保淮源祖讓積德弥

高厭榮不仕父從遺風益著守道居閑

禪師氣稟淳和性惟

沉靜爰從佩繅便悟出塵神穎不群風鑒高邁糠粃仲尼之典錙銖老子之言考彼兩宗伏膺大教年十有五憤排違親礼荆茲寺降龍大師門人徹禪師落髮金刀灰心玉剎精勤求法夙夜澄神乾甯一載奉寺依奉受具夏滿遊方檢聲聞之密行情深濟物運菩薩之慈心訪真侶於江南礼名山於湖外一叅□要悉悟玄機繇是覽大藏經明諸佛行因飛金錫曾屆青州為四衆以開禪乃五侯而請益歸依轉甚珍重彌增

禪師洎傳六祖之衣特付

一真之理故山却返法席重開而有達人請居都邑寓崇國寺叅尋若市來往如雲

禪師去天祿五年仲秋中旬末絕粒數日

忽尔剃髮著衣告門人曰吾來也久其去也當各了真空共成佛道
言訖示微疾至廿四日坐化瞑如習定□似安禪咸想鶴林宜歸
火葬至廿九日幡花犬道俗悲號闕華於燕城之北碧岫雲愁
寒郊水噎門人崇德崇信崇美崇益崇閏崇廣 弟子瓊習王

□□□等九人並師資恩重孝敬情深絕曾子之漿泣高柴之血
□□舍利以應曆二年歲次壬子十月甲申朔廿五日戊申□於
茲寺東嶼起塔供奉請書琬琰俱紀勅九歲猷而不泯諸僧勅三
字塔下勅

□忘寺以下勅

石匠馬士一刊

盧龍軍在遼之南京府曰幽都開泰元年更為永安析津府

金臺蓋沿俗稱三河本漢臨朐縣地唐開元四年析潞州置遼屬薊州至金天德三年改隸通州天祿世宗紀元之號世宗於天祿五年九月遇弒著於遼史甚明而李氏兆洛紀元編乃盡於四年蓋當時昏亂皆不踰年而改元世宗之天祿五年即穆宗之應厯元年也然是歲九月以前仍當繫之世宗至穆宗即位改元以後始得歸之應厯李氏偶未別白致并奪天祿五年久奉之號一歸之繼體新立之君亦疏矣禪師歿於仲秋中旬是時世宗尚在位故碑仍以天祿五年書之至應厯二年十月建塔實則距歿時甫踰年耳繆氏荃孫所輯遼文存已載此記中有數字與余所釋小異

蕭儀置門枕刻石

石高六寸許廣一尺五寸式如四字右刻畫左題款各有花紋方界正書

大安叁年伍月貳拾叁日蕭儀置門枕壹副 李乂造

又

石高廣較前石稍大式悉如前但左畫右字亦正書

皆大安三年五月二十六日蕭儀置門枕一副

濰陽石匠張寶刊造畢記耳

按大安年號西夏遼金皆有之且皆及三年然蕭氏盛於遼其為遼人無足疑者

感化寺孫法師塔銘

石高一尺七寸四分寬一尺四寸四分十九行行二十九字字徑五分正書

上方感化寺故監寺遺行銘并序

醫巫閭山望海寺僧 即祁 撰 叅學釋 見因 筆

夫禪波元淨也出沒無妨鏡像無心也隱顯何定悟□王之超言
念了生死之非去來其唯 法師乎師俗姓孫氏諱澄方香河西
□侯人也稚齒之間不墜髭髮礼隆安寺慧通尊宿為師年十有
八納戒于□□□□□博究群言因明百法唯識摩訶衍論花
嚴等經習學未久數□□□□□□□同玉閭既播休名共旌
至德是以當縣縉素虔請充部内僧□□抑存懷□聞辭遜而乃
决斷靡私攝持有範後探祖道悟以真空而欲投身林□息慮忘

緣密啓斯願顯招其應尋有茲寺 尊宿大衆狀請未居攝度門

徒□提控上藍既果其志忻然允諾迴稟 都綱諱可立為出世

師表以事無獨擅必從上訓後於絕頂特建浮圖竦耀太靈路危

像大瞻者興善嗚呼月盈還缺物極有終於大安五載季冬月二

十二日丁疾卒於本山俗壽七十臘四十二門人士隆嘆曰神歸

凝寂追無再面哭哀毀道封樹為孝獨捨淨財立銘建塔次歲季

春月八日收遺骸瘞於石柩事迹頗多聊紀實德 銘曰

火寄塵籠 空燒莫窮 宿懷善本 幼離其中 演妄談真

言常意新 持茲法寶 用濟孤貧 德立名揚 為僧紀綱

人皆敬畏 懲惡旌良 二十年間 輒步隱山 心同槁木

世事何關 生也非有 終方不空 生隨緣盡 順尔歸終
美矣門資 孝風不墮 立銘紀德 百代無遺

門人講花嚴經玄祐 建塔門人士隆 利生奴

右上方感化寺孫法師塔銘孫星衍京畿金石攷江陰繆氏
藝風堂金石目並著錄其文見於秀水朱氏日下舊聞繆氏
收入遼文存按感化寺在今直隸薊州盤山唐大中時建法
師卒於大安五載季冬月塔銘刻於次歲季春月大安紀元
遼道宗西夏惠宗金衛紹王皆用之金大安祇三年此云五
載序中眞字耀字銘中眞字半字並鼓筆避遼太宗德光興
宗宗眞諱浚為遼刻無疑竹垞列之金大安藝風堂曾辨之

余別藏感化寺智奉塔記係應慈二首題醫巫閭山望海寺
年遠亦足為此刻是遼非金之證
僧即祁撰叅學釋見因筆巫無通用爾雅釋地東方之美者
有醫無閭之珣玕琪焉郭注醫無閭山名今在遼東周禮職
方氏東北曰幽州其山鎮曰醫無閭遼史地理志醫巫閭山
在東京顯州今奉天錦州府廣甯縣望海寺即東丹王故宮
遼志人皇王性好讀書購書數萬卷置醫巫閭絕頂山南去
海一百三十里築堂曰望海後改為寺即祁曰下舊聞作節
祁誤不曰書而曰筆筆非書也筆本作聿說文聿所以書也
楚謂之聿吳謂之不聿玉篇聿述也揚州阮福文筆攷筆从
聿述也故直言無文采者為筆此云見因筆者謂撰文者即

祁而事實則因見因筆述耳猶近世乞人為文之有節略也
福書稟承於文達引伸筆字之誼綦詳若竟作書字用又可
補阮說所未荀矣序云□同玉閨閨潤古通隋曹子建碑玉
閨金響閨即潤字東魏孟惠珍等卅人造象天平四年潤九
月唐劉呂龍造象開元廿三年潤拾月會善寺岑法師塔銘
元和五年潤正月宋元石刻潤月亦閨潤互用之例閨从玉作潤者尤疎
別體又云迴稟都綱諱可立為出世師表諱字一字為句都
綱僧官迴稟例須具名即祁製文竇從法師門人之請未便
婁書其師之名故以諱字代之此亦誌銘例例之可昉者又
云丁疾卒於本山爾雅釋詁丁當也詩雲漢甯丁我躬楚辭

惜賢丁時逢缺逢尤思丁文兮聖明哲後漢書崔駰傳慰志
賦丁漢氏之中微張衡傳應聞梁容惠夫黎丘兮丁厥子而
事及丁當聲之轉古均陽唐与庚耕清青通門人士隆日下
舊聞作志隆誤第一行之超言念上朱釋聖弟六行息慮上
朱釋茂細窠竝非是第三行納戒于弟三字朱釋寺今泐甚
不復可辨銘首句火寄塵籠寄朱釋守細窠實是寄字石火
電光浮生如寄於誼亦優即祁此文體例安祥用字典雅北
俗尚莖士風樸率詞流塗澤非其所長禪門詣此殆不多覩
為先祖舅姑等建陀羅尼幢記

石下截已斷現存約高三尺八面刻正書

佛頂尊勝陀羅尼幢記

前延慶永興□□喜□官

下缺

梵語陀羅尼此云惣持文殊之語□佛陀流東漢土釋迦近付天

帝傳南部

下缺

青□

一切天神常來□□有如是因復如是果

而況繕寫虔持則安高顯地

下缺

設作斯□有夫之祖承務郎守

幽都府安次縣令□祖母劉氏念舅姑之義

下缺

降既獲如上□

必集無邊福金茲利益永興□不惟俾逝郎□令□長歸

下缺

□宗高不有嘉嘆曷表殊因塋之始謀欽承見託幢之既立彌增

瞻仰仰之

下缺

美哉賢氏貞□□淑檢迹以佛法為親以齋戒為

業奉先至孝事夫沒

世

下缺

煩惱纏視此幢則獲增利樂書不

盡言事之大矣

弟

下缺

奉為 先祖舅姑□□

洗馬友一切含識創建

佛□尊勝陀□□□□

咒文不錄

此遼人所建經幢也延慶永興皆所置宮衛之名遼隨陽遷徙異於城郭之國故營衛之設其制尤密居有宮衛謂之幹魯朶自太祖至天祚凡十二宮太宗所置曰永興宮興宗所置曰延慶宮其官有曰某宮都部署掌本宮契丹軍民之事此刻首行題款當即撰書人名其永興下數字殘缺以遼制攷之乃延慶永興宮都部署蓋此人曾兼兩宮之職第不知

何以先延慶而後永興耳幽都府為遼南京所屬有安次縣其東宮官屬有太子洗馬碑悉與遼史合劉輝傳載輝大安末為太子洗馬百官志洗馬下亦僅舉輝為證似遼有洗馬自輝始輝外更無人任此職者今幢為劉氏所建則洗馬或即指輝所謂劉氏豈即輝之女歟果爾則此幢亦大安末年建矣

錫齡案詳其文義似劉氏孫婦為劉氏夫婦追建者因祖姑而並及祖姑所自出理亦有之

史遵禮建頂幢

石高一尺六寸廣二尺六寸正書

智炬如來破地獄真言

經咒不錄

在州南於次坊史遵禮奉為亡過耶耶孃孃建立頂幢一坐
故耶：諱化□孃孃李氏 故父諱誥 故母蘇氏 孫遵禮
妻王氏 □□□□妻孟氏 玄孫吉慶玄孫喜慶 壽昌
五年三月十二日酉時

金一

濱州司候飛騎尉墓柱記

高一尺四寸正書

奉直大夫任濱州司候飛騎尉賜姓□□□□墓

娘子劉 長男忠顯校尉□州籍榆縣臨洪鹽場都監子琬

□男僉奉班祇候子珩 次男崇福 長男□字璠 下泐

孫下勑解愁

三哥 四郎君 女順哥 □哥 蔡哥

天會十五年二月十二日丙時

按金史百官志諸防刺州有司候司司候一員正九品又軍
轄一員兼巡捕與司候同管城壁是司候職在察候與今之
巡官略同蓋金時諸京則有警巡院使諸府節鎮則有錄事
諸防刺州則有司候皆以警察為職是今日警務金固已行
之矣濱州屬山東東路益都府為中刺史治所故置有司候
奉直大夫從六品上階飛騎尉則從六品勳級也食貨志載
大定二十五年後惟置山東滄寶坻莒解北京西京七鹽司

臨洪場為茗之場而百官志所載七司則有遼東無茗即食
貨志以後所敘亦皆有遼東無茗與百官志同若以為茗併
省後增置遼東則二十五年又有罷遼東鹽使司之文是二
十五年已有遼東司明矣既有遼東何以此獨列茗殆不可
曉此碑之建又在大定前數十年臨洪場之屬茗與否益無
從考矣贛榆縣屬海州則州上所泐是海字鹽使司所屬有
管勾都監等官蓋皆文職而忠顯校尉則武職從七品下階
也閤門使隸宣徽院所屬有承奉班都知及閤門祇候等官
僉奉班祇候蓋亦閤門之職金有賜姓之制如張資祿賜姓
女奚烈楊沃衍賜姓兀林荅皆見金史本傳

□□壽建陀羅尼頂幢

石高一尺六寸廣二尺六寸正書

智炬如來心破地獄真言

文殊師利寶藏陀羅尼

普賢菩薩滅罪真言

咒俱不錄

大金國燕京涿州司候司市內坊使人□□壽奉為亡過

父母建陀羅尼頂幢一坐

母魏氏 阿姊成郎婦 妻王氏 大女王郎婦 小女尼

祐哥 長孫和尚 次孫□□ 次孫三和尚 小孫四和尚

天眷二年四月二十一日庚午乙時 建

金史百官志有市令司謂惟中都置令丞各一員且敘吏部十七最之制於市司之最特申其例云謂市令也後敘庶官分類為名於釐務官亦止及市令則似中都之外更無司市之官此碑有涿州司市殆即中都令丞分駐於此歟警巡市令司候同為釐務官此以司候兼司市即百官志以警使兼市令之義蓋同是以本類官相兼如皇統五年之制也金有鷹坊使教坊使其品較崇此內坊使當即酒坊使抄紙坊使之屬其不指稱某坊蓋猶是虛銜耳

造佛殿記殘石

石僅存字八行行五字至十三字不等正書

上缺 經季僧及數十

下缺

上缺 一坐三開三栴復有當村

下缺

上缺 竝以字亮超群神情秉俊同興

下缺

上缺 弘山運般堂材各各生懽喜勇銳

下缺

上缺 一坐三開四栴應用磨房僧舍次

下缺

上缺 南至石經蘭西至流水東北至此山

下缺

上缺 法弟講經沙門 思照 門弟子講

下缺

大金皇統元年歲次辛酉四月己巳

下缺

右記書法甚工頗近泰和一派

龐鑒建經幢記

石高一尺六寸廣二尺二寸正書

尊勝佛頂碎地獄陀羅尼

阿闍如來減輕重罪陀羅尼

大准提佛母陀羅尼

咒俱不錄

大盆中都涿州范陽永福鄉北抱玉里龐忠言磻記

爰有

貞元之初年十月有五日也北抱玉里龐鑒奉為

上缺

□□□葬之以禮焉

公諱忠言其先望出于譙郡

以下四行均缺

閒心存目擊于浮圖氏尤加篤信凡百正真庶□孝悌守靜公為

先考八兄心信并嫂其氏卒後悵然悲感封樹月磴追□□□有
子三孟馬和尚仲興壽李德壽及女一尚抱乳有妾劉氏從德居
家公有姪三孝政且任長曰鑒妻鄭氏次曰識妻王氏幼□經出
家宗唯議論諱道洪鑒有一子黑兒及女曰千哥識有女一曰師
姑 鑒嗟維考妣久羅召矣而□其叔早以天爲率弟兄等戮力
營玉殮一坐塵影弥綸布此燕山峪而高□水浩而長者也

姪龐鑒等 謹建

明廖用賢謂龐氏望出京兆譙國而元和姓纂只錄京兆一
望及南安代郡河東北海四望而譙國闕如今碑稱先望出
于譙郡則廖說爲有據知姓纂所遺者多矣

韓珪建頂幢記

石高一尺七寸廣二尺三寸正書

淨法界陀羅尼真言

經咒梵文不錄

維南膽部州大金國中都涿州固安縣太平鄉郝家務孝男韓珪等奉為亡過慈父猷世辭榮近拋生死之糾遠趣菩提之路擇得良時吉日特建頂幢一坐

亡人妻扈氏	弟韓知儒	妻張氏	男韓珪	妻苑氏	姪
韓桂妻趙氏	孫男七箇	靈家女	妻張氏	醜兒	妻苑
氏	馬師姑	劉師姑妻楊氏	廣師姑	周師姑	福喜

孫女兩箇 慶仙玉仙

大定三年歲次癸未二月壬戌朔二十四日乙酉寅時建
題名有扈苑二姓扈蓋有扈氏之後故元和姓纂以為夏時
姁姓國風俗通趙有扈輒魏志胡昭傳注所引有扈累蓋其
最古者苑則姓纂所未載類篇音駕人姓明廖用賢謂殷武
丁子文封苑後因為氏望出范陽及永甯馬邑此蓋據鄭樵
氏族略鄭氏又謂字亦作宛或音怨非也左傳有齊大夫苑
何忌漢有泰山太守苑康下邳相苑暹南唐有苑文宋有苑
鈞苑湛又唐初有苑君璋唐書有傳隸釋有苑鎮碑又記中
地名有郝家務安瑤建幢記則有南相務蓋北人稱地多以

務名今都城東南尚有河西務可證

普照禪院牒

石高一尺二寸廣二尺二寸正書

尚書禮部

牒奉

勅賜普照禪院牒至准

勅故牒

朝請大夫行大常丞權負外郎劉

中憲大夫行負外郎李

郎

中

侍

郎

正奉大夫禮部尚書兼翰林學士承旨知制誥修國史王

大定四年歲次甲申七月一日忠勇校尉劉瑋□□□□□院

主僧惠智師立石

定州望□縣□□□□□村上戶進義校尉劉

下勅

佛殿壹所與封□□□□□寺□道友七人

下勅

額已納□□□錢下勅以上小字三行在尚書禮部牒左空

大定約初六字今史向昂□立□此小字一行在故牒左空

太常寺皇統三年正月始置金代官制凡散官高於職事者
帶行字職事高於散官一品者帶守字二品者帶試字品同

者皆否又承旨學士等官雖不同品皆不帶行守試等字朝請大夫從五品太常丞正六品中憲大夫正五品員外郎從六品皆散官高於職事故各帶行字正奉大夫從三品尚書正三品所謂品同也翰林學士承旨凡應奉文字銜內帶知制誥貞祐三年升從二品大定中尚是正三品則並品亦同矣王乃王競見金史文藝傳競以大定二年復為禮部尚書尋兼翰林學士承旨修國史觀此結銜悉與本傳合雖傳稱競四年卒官然世宗本紀是年五月競尚奉詔禱雨北嶽石刻於七月距牒下時當亦不久觀競尚署銜則其卒當在七月以後矣金時尚書省六部元帥府樞密院御史臺三司各

有令史蓋即今筆帖式之職但金時女直漢人並為之而尚書省令史例用進士或外官以才能內陞尤多致貴顯此石令史上剝落數字然當尚字處尚彷彿似之則或即尚書省令史也望下所泐自是都字然金時定州實為中山府雖天會七年降為定州而後仍復舊且已改望都為慶都矣故地理志中山府下並無望都之名不知此刻何以沿用舊號忠勇校尉武散官正八品上階進義校尉正九品下階也

楊伯昌建幢記

石高一尺五六寸上截缺損正書

經咒不錄

□□□□州固安縣歸仁鄉君子里故劉□

□□□頂幢之記 父諱思言

□□□□□□□適楊伯昌建幢

□□王公□□師成 妹適楊君用長適蔣 廷

次適張佶

四適馬溫良

大定十一年二月廿一日建

捨石人田福祥妻李四姐男□

此題名在經咒首行言曰二字下

此既係楊伯昌建幢不應妹又適楊氏易於致疑幸記首行尚存劉字而楊伯昌上一字并可斷為適字則知楊伯昌蓋

亦壻於劉氏者此幢固為其妻家劉某所建其所謂妹皆劉氏之女也

甸齋臧石記卷四十二

金二

忠顯校尉劉瑋建寺畫像記

石高一尺八寸五分廣畫界格一尺九寸五分正書

故忠顯校尉劉公建寺畫像之記 進士傅浹撰并書

夫覺皇之道蕩乎難名淵然莫測既非達者鮮克遵之輸己財而奉之者□□難矣豪族劉公諱瑋字子玉仁而勇溫而厲個儻者也呂從征拜爵累遷忠顯校尉公之父諱罕性資懿惠教慕釋宗即已業塋創構梵剎堂殿佛像親給役費幾底其成不幸而卒公暨昆弟輩俱善繼述增葺屋宇加之丹雘飾以金碧幸遇

我國家興崇是教公入金百千購其額曰普照禪院公復命畫者
圖十方佛像及禪祖故事於□殿之四壁功既告成謂畫者曰汝
當寫我於□□之側庶生死而獲尊事焉抑示子孫斷無改我之
□畫者唯唯而畫焉公大定十年七月十日卒享年五十有六公
之子沂一日命予作記予不敢牢讓為之辭曰

彼美劉氏	人皆曰賢	□屬外□	仁溫內□	遭世□武
徂征累年	□揚□幄	歿□官聯	唯公之考	酷□金俸
創土構寺	得□供□	營建將畢	謝世歸天	公善繼述
致誠益專	葺宇購額	眸容□鮮	圖已於側	生死申虔
抑示來裔	庶令恭院	遇公之子	祈我言然	是故作記

以永其傳

大定十七年七月十三日男 □ 立石

案大定四年普照禪院牒後有劉瑋書名觀此記則禪院即瑋自建其為一人無疑但牒作忠勇校尉此作忠顯校尉蓋四年後遷轉者耳至金史有劉瑋傳大定中官已貴顯雖同名同時別是一人

安瑀建頂幢記

石高一尺七寸廣二尺五寸正書

智炬如來心破地獄真言

咒文不錄

大金中郡涿州固安縣歸仁鄉南相務里安 琚奉為先亡

考妣建立石匣頂礮一坐 高祖安成王曾祖安遂 祖安

清生三子長子從式 次出家僧智圓 小者從立

建人安琚 先考諱曰從式 先妣曰張氏二子長子君彥生

一子名慶章次安琚妻孟氏次妻田氏生四子 長慶初 次

慶元 次慶福 小者慶嗣 孫子四 大者興畱 次韓七

次福德 小者福海

大定十七年丁酉歲戊申七月辛酉日戌時 建

畱字幾不成文攷同時紀宗父宏等幢題名皆有畱字此當

亦畱字之訛文惟字書亦並無畱字殆不可識若以為白畱

等字則於義無取竊意當即男字倒文耳

奉訓大夫王□□立頂礮

石高一尺七寸廣二尺四寸正書

佛頂□陀羅尼

咒文不錄

大金国中都大興府良□縣義和鄉北

以下泐

□氏范陽縣□□奉訓大夫王□□婦

以下泐

父□母張氏□□立頂礮一□□奉為

以下泐後尚有字一行漫漶難辨

此記之前尚有小字數行首似有歲次庚子廿年九等字次
行似有年字第四行有氏字餘均漫漶難辨案金世宗大定

二十年當宋瀋熙七年正歲次庚子然則是大定二十年九月也金文階從六品下曰奉訓大夫

紀宗建經幢記

石高一尺七寸四分廣二尺六寸正書

生天陀羅尼真言

咒語梵文不錄

大金中都涿州固安縣太平鄉禮讓里進義校尉紀宗與父紀興

吉母馬氏

父母生三男一女

□□□紀宗 妻劉

氏 宗所生二子

□□□妻苗氏

次秉玉 妻傅氏

次子紀昌

妻王氏

生六子

長子元

妻□□

子□

妻

劉氏 子璋 妻靈氏 子成 □劉氏 子珪 劉氏 小男
僧妙藏 小孫子僧法海 小男紀晏 妻臧氏 生二子

長畱女 妻何氏 小和兒

女朱郎婦与父母立頂礮 孫子琛 妻張氏 孫子季 妻

杜氏 孫子元住 母唐氏 孫女杜郎婦 孫女王郎婦

孫女楊郎婦

大定二十一年四月十六日 建

孫子元住下忽著母唐氏殊不可解母字當是妻字之誤

趙慶□建頂礮

石高一尺七寸許上下殘缺廣二尺六寸許前有一象正書

士俱知仰母心大准提陀羅尼真言

生天真言

咒俱不錄

大金國中都大興府戶贖涿州范陽縣東南□□鄉南丁□東供

□□趙慶□妻阿□與亡父趙公亮母阿王建立頂磴一坐

長孫男趙賢 妻阿李 長孫女小師姑 王氏

重孫男八□ 妻阿李 重孫建光 重孫女金章

重孫女玉章

大定廿一年八月二十三日丁□日

未時破土 亥時掩閉 大吉

劉瘦兒建頂幢

石高一尺七寸廣二尺五寸四分正書

破地獄真言

生天真言

咒俱不錄

大金涿州范陽縣孝義鄉一家店北保西幢

劉瘦兒

奉爲伯伯劉□故妻

下泐

妻□氏特建頂幢一座

伯伯劉□故□□氏

下泐以下兩行並泐次行存一孝字

女劉兩兒 駝駝黃弓兒

次駝駝黃黑兒

大定二十四年二月十六日劉□□

保堡古今字禮月令四鄙入保注小城曰保後世多作堡唐書哥舒翰傳拔連城堡音轉為普今西北方多有之曠土短切說文禽獸所踐處也詩曰町曠鹿場按曠今本詩作曠據釋文云曠本又作曠則唐初已然矣古人稱甥者今世俗多稱外甥此作駝駝尤為異文二字惟見字彙補蓋據石墨鐫華也

艾宏建頂幢

石高一尺七寸許廣二尺五寸前有一象正書

阿閼如來滅罪陀羅尼

生天真言

咒俱不錄

大金國中都南涿州范陽縣東北仁和鄉蓮心村里艾宏建立今
為自身預先命前建立石匣一坐并磬全妻孫氏後婚□氏
長男興□妻李氏 孫女高師姑 次孫女粉一兒 姪艾松兒
弟艾辛妻彭氏 長姪艾謝畱妻王氏 長姪子孫艾雨兒
孫艾呆 孫艾醜兒 女十四娘張郎婦 姪女魏郎 姪女甚
郎婦 姪女王郎婦 姪女胡郎婦 姪女刘郎婦

大定二十四年二月日建立頂礮一坐造下

戊寅月甲申乙酉日全了畢

此十一字作二行刻於象下又象上有二年四月二十八日等字及

十故六三字

興下泐一字似亦是畱字安琚建幢題名有興畱此亦名興畱知為當時鄉俗所習用畱字形近果然恐是用作保字耳

宣武將軍李訓墓誌

石高一尺七寸五分廣二尺六寸八分二十四行行十五字正書

□宣武將軍李君之墓

君諱訓字順之涿州范陽人也父保民舉明經弟□□承直郎未及知命而不□家世隱德財貨巨万君則承直之第二子也篤實

孝友仁明忠恕度量豁如也第舉進仕一再不中後以廕調歷監永甯閩榛子鎮新城縣酒稅咸著功酬丁父憂闋遣靜安縣尉秩滿授開義縣簿會母憂去官服闋授京兆府稅使以力再遷懷仁令秩滿授莫州軍資庫使大定二十六年六月四日卒於官春秋
□十有六累官至宣武將軍君之為治也布政優游從事清簡所至有惠政公□無事吏民愛敬而不忍欺仕宦三十餘年未嘗營資產為子孫計所得俸祿□給賜故人喜延賓客無有其餘母馬
□妻段氏並封本邑號子三人女二人□璋忠勇校尉孫男一名道生子璘進□□尉孫男二人重慶文慶孫女二人□真雲真子與未室習進仕舉女寧哥嫁文林郎富庶縣簿張子翼女翼哥嫁

供奉班祇候涑留酒監吳瓌其餘咸著□族不獲悉錄

大定廿六年八月十六日男子與誌

金制有酒稅惟中都置都漣使司餘自各京及真定外皆為酒使司其設官之數視課多寡為差故或設正副使或僅設都監各處不一若商稅則有稅務司其制與酒使司同訓之歷監酒稅蓋都監之職其在京兆府則稅務司正使也簿尉皆正九品稅使亦僅正八品故再遷始得為縣令令則從七品也宣武將軍武散官從五品金制惟進士授文散官自餘皆武散官謂之右職又謂之右選訓舉進士不中故以文職而得武階也百官志載五品文散朝列大夫武散宣武將軍

以上母妻封鄉君承安二年改為縣君今此誌謂訓母妻並封本邑號則是承安以前已封縣君矣金有兩懷仁縣然海州之懷仁大定七年已更名贛榆則此自係大同府之屬縣永甯關在隰州石樓縣榛子鎮在灤州石城縣新城縣屬涿州靜安縣屬深州開義縣屬義州莫州屬河間府富庶縣屬大定府皆見地理志承直郎正七品文林郎正八品皆見百官志惟軍資庫使志無專條僅附見軍器庫使及作院使之下其品秩莫可考矣明經承直均屬父言中間第字無著此當是作古第字耳武散有進義校尉大定十四年又增進義副尉此尉上所缺似非副字則子璘乃進義校尉也易州有

涑水縣則留當亦附近地名

武十郎妻捨墳地記

卑高一尺零二分廣四寸九分八行行字不等正書

京兆府西第一廂□柴市居住孫女似女字下缺

謹於長安縣范西御閣門社莊北安置新宮壹

座方圓玖步□并於叁位

祖父祖母范四郎 尊父尊婆范五郎

亡父亡母范六郎

右諱於孫女婿武十郎捨墳地各玖步許地叁分六厘
東至武西至魏南至武北至張

大定廿八年八月初九日葬謹記

皇伯漢王為世宗皇帝造佛經

計二石各高一尺四寸六分廣二尺四寸俱二十八行行十七字正書

雜阿舍經卷第四十六 息 七紙

雜阿舍經卷第四十六 息 八紙

經文不錄

皇伯漢王 奉為

先皇世宗聖明仁孝皇帝造

是刻無朝代年月幸題款二行可攷世宗聖明仁孝皇帝金世宗也漢王則世宗子永中也世宗太子允恭以大定二十

五年薨子即章宗後以皇太孫嗣位傳稱永中乃世宗長子則實太子庶兄故於章宗為皇伯永中以大定二十九年五月進封漢王至明昌二年四月改封并王計為漢王時甫及二年是經之刻必在此二年中矣永中本名允中以避顯宗諱改顯宗即世宗太子章宗時追尊者也

尚公成建經幢

石高一尺六寸廣二尺強正書

□□□真言

□□□真言

破地獄真言

兇俱不錄

大金中都涿州司候司□□□尚公成 奉為亡母□□阿□

長男尚公成 男婦尚阿皮 長孫鳳興 長孫婦尚阿李

次孫得興 次孫□□ 次孫□□

大孫□□郎 下泐 □孫威璋

明昌三年九月二十□日尚公成建

劉公佐墓幢誌銘

石高一尺七寸四面刻面各四行行十五字正書

□公者諱公佐涿郡西安禮讓人也廼祖思永父師正皆有士君子之行維公平日綽有高尚之志言為人表行為士則農桑為業

而知其本務田園適性而□于末利鄉鄰有道之士以是多重而
□□僻巷常有長者車轍公之爲人可□也時泰和八年秋七月
十五日終矣□□六十有九惜之適嗣承以猶子□公之德然不
昭于今之日而繼祭者其有興乎書爲此銘庶傳來葉 銘曰
不急富貴安于耕耘不趨利祿怡其性情戴白而老不見甲兵旣
仁且壽永疾□生哀酸霧蔽痛斷雲行白楊衰草隴月空明記之
于石遺譽千齡

□和八年十月二十五日立石人妻咎氏 同立石人弟劉公佶
姪企孫 企興 姪婦□氏 女師哥 女壻杜子真 外甥
男八國醜 女懷容秀容

同里詞賦進士張節書并撰

金取士之目凡七初有詞賦經義策試律科經童之制大定十一年勅設女直進士科明昌初又設制舉宏詞科故有詞賦進士經義進士策論進士之目禮讓里名涿州固安縣有禮讓里見紀宗建經幢記西安恐亦固安之誤和上所泐乃秦字也

句阿王玉容建頂幢

石高一尺五寸五分廣二尺一寸正書

□□縣宮村東保句阿王

玉容并召到女婿王郎

伏為夫建立頂磴一座

夫句全 所生女子四个 大女蘇郎婦

二女李郎婦 第三女刘郎婦

四女王郎婦 所生女子三个

大女杏兒 第二女梅兒 小女桃兒

大安三年十月三日 時破土 時掩閉

東保即東堡句姓元和姓纂句芒氏之後史記有句强案句
句本一字後人謠為兩姓又如苟本古姓而句姓亦或加艸
作苟又或變文作姜氏族糾紛宜譜牒之學難講也今此石
作句猶是古義鼠璞謂避宋高宗嫌名改句為句律以古今

字其說亦未確

僧□燒磚記

專高九寸廣七寸五分六行行七八九字不等正書

天興元年燒磚五千□

孟家借使匠人趙山

冬天興二年四月初

六日又燒磚五千送

常市住用匠人張振

長老行原緣僧□

右係天興元年二年兩次燒磚而即題磚以記其事案古以

天興紀年者如北魏之道武帝金之哀宗以及隋之劉武周宋之蒙古熬羅勃極烈遼之蕭幹明之交趾黎琮皆是除蒙古交趾不在內地外餘如蕭幹之號天興見於契丹國志而北盟會編則作天阜且不久即誅劉武周僭竊稍久然其元年尚僅據馬邑鴈門等地且倡亂之始兵力未足人心未附未必即私用其年號至道武帝改年天興在是年十二月與蕭幹正同詔書傳布各處又稽時日天寒歲暮既非燒碑之時即令燒碑亦無從適用其新改之號此皆情事之可揣者惟金哀宗改元天興在其年四月至三年而後國亡然則此必金哀宗時物矣哀宗天興元年當宋理宗之紹定五年是

年歲在壬辰也張下似掖字亦似振字雖當為匠人姓名然未敢臆定

固安縣南相姚慶溫建頂磗

石高一尺五寸五分廣二尺有奇正書

一切如來大樂阿毗三摩耶百字密語

智矩如來心破地獄真言

梵文俱不錄

固安縣南相姚慶溫與亡先靈建立頂磗子一生亡一祖耶娘二祖耶娘三祖耶姚惠娘靈氏亡父姚公昌現在□□亡孀子崔氏現在僧善崇亡媳婦梁氏亡弟蒼見現在弟姚慶春

現在妻王氏現在男興馬姪米興外侍姊妹小名師姑女相見

丑年正月五日酉時立記

安琚建幢記題固安縣南相務里此云南相即南相務也與
即与生字當是坐字之誤孀即孀媳即媳惟外侍姊妹殊不
可解

固安建石柩記

石高一尺五寸廣二尺四寸剝過半不能辨其行數每行約
十三字正書前有經文梵書二行及標題正書二行不錄

□□□□□□□□□□固安□□□□□□□□□□
□人□其易已選得良晨特施淨財□藏父母□□□巧匠鑿山
取玉□□□石柩絲絲經於歲久立世□□不朽□□父母之恩

論語云□事之以禮死葬之以

以下缺

□□□□□□□□初九日建

涿州司候司內坊方實建頂幢

石高一尺六寸五分廣二尺五寸正書

生天真言

梵文不錄

大金國涿州司候司內坊方實共祖父立頂幢一坐父諱雄仁

妻何所生三男一女長男名實次男名尹小男名□□

女韓郎婦長男妻阿陳次妻阿李所生一男方□□妻阿張所

生一男名安哥次男妻阿之所生一男和兒妻阿□□一名□

□及

佛經殘石

石高一尺四寸廣存一尺一寸許右方已斷左上缺角存字十三行十七字正書
經文不錄首行僅存數半字次行今一切菩薩起末行演說無邊諸佛深止

旬齋藏石記卷四十三

元

永慶觀錢碑

碑僅存左方最下一段末後缺角中銳兩旁漸削當銳處高一尺二寸廣一尺四寸有奇正書

上缺

之居上教人于

上缺

之賜既宏且久惟

上缺之

此行空無字

上缺

狀迄不可諱乃冥之法

上缺

是賴詩不云乎中心藏之

上缺

元命祠于永慶觀之廡庸

此行空無字

上缺 也至元二十一年

此行空

上缺

鐵佛寺住持釋善和石塔

上缺

慶觀事案基洲同

下缺

刊者下缺

馮士安墳記

石高寬各一尺八寸二分二十四字字徑五分強

正書

元馮君墳記

承務郎陝西等處儒學提舉蕭軒書

始余以至元丙戌爲江右行省幕僚今嵩州尹馮公祐適爲其省
掾後復以能入掾中書出爲川陝行省都司余亦以川陝諸道行
臺及關隴部使者凡再至陝右執公之爲一以守正奉法忠盡不
阿無少回視議者翕然稱之用其能臺憲交章薦進滿秩進階奉
訓大夫爲嵩州時余以疾得告南臺公遣其子集義示其州文學
掾李大雅持其世次狀以來且言今將以大德癸卯二月辛酉自
祐大父而下凡兩世遷祔于安西咸寧縣之鳳棲原蓋祐先世而
上雖代居關中皆葬其縣之龍首鄉東苑門以譜牒散逸莫克序
系謹按公大父諱士安信厚敦慤質直尚氣調睦族姍輕財喜施
與不妄爲然諾善殖產不爲潤屋計於族黨孤嫠或昏姻器葬有

置乏者必極力營治必誠必盡恒自以為未足鄉人甚賢重之卒
中統建元之年享年六十有八前娶王氏子男二人長德即嵩州
公考也次友女嫁士人李仲璋王氏前君六年終後娶李氏無子
君歿十六年終今皆祔大父君之墳德以家世信善出於濡染孝
友款誠尤能傾貲下士無一豪顧吝鄉里族親凡有所訴多恃君
質正一言更不詣吏可謂能世其家者矣孫男九人祐祺祿禎禕
禧祚裕祥女一人曾孫男六敬義集義復禮守約克孝克家女五
兩適士族餘在室予嘗謂馮氏再世不耀晦德閭井不為夸競浮
靡趨尚時好所蓄者既厚其能大且顯者如木之有根如水之有
源勢將勃然莫可遏也今其子若孫蔚為大族而嵩州方位通貴

又進德未已其又可涯也哉前翰林侍讀學士知

制誥同修

國史中憲大夫江南諸道行御史臺侍御史高凝記

右壙記承務郎陝西等處儒學提舉蕭軒書按元史儒學傳
軒字惟斗奉元人性至孝博極羣書世祖分藩在秦辟軒與
楊恭懿韓擇侍秦邸軒以疾辟授陝西儒學提舉不赴官至
集賢學士國子祭酒右諭德以疾辭歸卒年七十八賜諡貞
敏軒制行甚高其教人必自小學始為文辭立意精深一以
洙泗為本濂洛考亭為據稱為一代醇儒此壙記以書人重
矣揭銜仍稱陝西儒學提舉雖不赴官不敢廢君命也畢沅
關中金石記贈安定郡伯蒙天祐新阡表延祐五年九月立

蕭軒撰文並隸書在大荔記云遷祔于安西咸甯縣之鳳樓
原又云皆葬其縣之龍首鄉東苑門元史地理志奉元路唐
初為雍州後改關內道又改京兆府元中統三年立陝西四
川行省治京兆至元十六年改京兆為安西路總管府皇慶
元年改安西為奉元路此記作於大德癸卯丁安西改奉元
之前九年故曰安西咸甯縣長安志天寶七載改萬年縣為
咸甯縣元縣仍唐舊名又云龍首鄉在萬年縣東十五里苑
東鄉在縣東北二十里疑東苑門即其地矣通志少陵原乃
樊川之北原又有鳳樓原在少陵原北以漢宣帝時鳳凰集
此因名高凝為馮祐大父士安作壙記兼敘其兩世遷祔事

亦誌記文字舉例之一也

康公墓誌銘殘石

石甯朕不齊廣約一尺八寸右
高八寸許左高六寸許正書

年蒙行樞密

下缺

朝廷有和林之役命丞才

下缺

上悅優加賞賚良驥一匹

下缺

正月和林納款師旋笑

下缺

寢享年六十有九夫人

下缺

至半載而父亡賴彼

下缺

泰定七年請告封贈

下缺

宣贈宣武將軍前衛親

缺下

月中嬰疾負病卒事

缺下

我生不辰遭家不造

缺下

於泉下矣言畢而斃

缺下

塋合葬十有二喪

缺下

為國宣力卒

缺下

及孫婦縣君阮

缺下

萃於一門吾於

缺下

康氏之

缺下

皇元肇基

缺下

凱旋

上缺下

遂長

下缺

旅寧

下缺

右石四面俱缺僅著康氏之姓按元史不忽木傳世為康里部大人康里即漢高車國也又康里脫脫傳父曰牙牙由康國王封為雲中王阿沙不花之弟據阿沙不花傳康里為太祖所拔後既東歸朝廷其子孫仕於元者多以功名文學顯著如不忽木之子回回巖巖巖字子山元人稱為康子巖巖之子維山及康里脫脫之子鐵木兒塔識達識帖睦爾元史俱有傳此石銘詞康氏之先下意必有盛張康氏者乃俱

斷缺與此康君之名字俱佚無從推測其云朝廷有和林之役又有正月和林納款師旋云云按和林之役似指阿里不哥中統二年據和林及其後棄和林不守帝撫定和林一事元史百官志國初有征伐之事則置行樞密院此誌有蒙行樞密院語尤可見為國初征阿里不哥之事而設宣武將軍為從四品之武散階其言宣贈者按元授官則作宣授元史百官志又作宣差元中統五年分司按務重立孟州碑此誌又作宣贈皆取宣旨而言故跳行出一格也惟此誌最可疑者在泰定七年此石七年二字絕無刪改之迹考泰定帝於英宗至治三年九月即位次年改元泰定泰定凡四年其明年又改元致和帝即於

七月崩是泰定即位首尾凡五年其不得有七年明甚雖泰定崩後朝廷倣亂置君如奕棋此誌亦非遠在外藩仍用先代年號可比乃此彰彰有七年之傳非廣徵書傳無以究其由姑付後有達者董之而已

賜給廣福源姓街原叔之後其得姓最古原字山人林之詞如馬遠方朝之類誌文傳信自來其姓以不恩從者

田彬等勅修牛王廟記

石高一尺四寸七分廣二尺四寸七分正書

涿州北海縣第十九都西木茁村功德維首田彬

勅修牛王德勝將軍行宮廟記

於戊辰年間竊見牛王神通廣大保護四方鄉村六畜孽榮□時無轉運之災八節有大賴之慶大哥孫榮茂二哥个潤田彬

糺集社內耆老人等

謹立香炉一座永為□□

勸農社長□崑 辨言社長劉德新 耆老孟五 □□

孫四 小孟六 孟十 山孟二 任三 任五 孟大

孟二 任大夫 孟社官 李大 王四 李二 田瘦

□□ 田進 社□劉□山 王成

立石維首功德主田彬

大哥孫榮茂 二哥任潤謹立

昔大元致和元年九月□□乙卯日

石匠作頭盧整 □□□□

鉄匠徐義同 張德□

和婆婆重修玄真觀功德記

石高一尺八寸寬一尺九寸五分二十四行行二十字字徑六分正書

大元國廣平路磁州武安縣南有一鎮名曰古山鎮也本社下崗西村有以古庵名玄真觀有在先住持道衆年邁身故勉下一小童年幼難以長管常住有他處道衆張道廣於延祐年接叩投托前來侵拈道院起移還安童有膺功德主和婆婆邵氏將引還安童實擎施狀文跪赴官陳告訖皆托豪傑田公分付經由州縣官司歸結斷撥還安童依理住持焚香

祝延聖壽萬安在後至泰定年和婆婆又偁一齋請衆

行首祝字元刻單挂

耆老人等令遠安童簪帶穿卦道服將根元施狀文契園林地土一切應有物件交付遠安童收受管領住持本院聖堂殿宇已經年深久治霖雨損壞功德主和婆婆自於天曆二年清明三月節日至此行香切見壁飾摧塔泥皮脫落地面凹疊塔址側起未可瞻仰同住持道士火速請命石堊二匠拆打碑石親詣看守摧督人工修壘砌慢數日已得完矣令命匠郝伯通鐫刊一石記於壁間今將功德維那施主貴名標題爲念積善者必有餘慶起立功德主和婆婆郝氏年七十有四

長男和福 次男和泰 次男和信 次男僧和堅

維那 賀珪燒造方條磚二千余數

□□ 院提拔施主田欽

天曆貳年歲次己巳春三月上旬日

本觀住持道士遠志珎立石

泥匠臨水慕德霖

書

石匠郝達刊

按元廣平路磁州武安縣即今河南彰德府武安縣治遠志
珎即遠安童此文專記和婆婆修觀功德而前半歷敘志珎
住持本觀源委若所重在彼不在此可補碑版廣例所未前
謹按 欽定古今圖書集成姓氏典遠音祿廣平徵音凌
迪知萬姓統謚有漢將軍遠明風俗通云後趙遠明則廣平固遠之族
望而志珎或明之苗裔矣

萬權墓誌

石高一尺五寸五分寬一尺四寸一分十六行行十六字字徑七分正書標題頂格誌文低一格

有元故萬公墓誌

公諱權濰州北海縣人氏勇略過人□識事幾

朝廷命定遠大將軍提舉莒密等處鹽酒課事晚歲優游鄉里無復仕進意至元戊辰夏四月十一日卒享年八十有二配夫人四付氏鄭氏高氏□氏後皆祔葬焉子男五人長曰汝楫

大元贈承德郎益都路判官次曰顯祖益都路益昌庫使曰鐸海州臨洪鹽場管勾曰汝弼曰汝霖孫男一十六人長曰英奉議大夫福建路治中曰釗登仕郎東昌路司獄餘未仕

元統三年乙亥秋九月初五日甲申孝孫英等卜兆於北海縣西北二十三里萬家原原先塋近北啓中穴而合葬焉孝孫等頓首再拜謹誌

按元史地理志濰州縣益都路領縣二北海昌邑莒州密州亦隸益都路百官志八都酒課提舉司掌酒酢權酤之事至元十九年始置提舉一員從五品同提舉二員從六品副提舉二員從七品而提舉諸路州等處蘆酒課之職無攷遠即遠也定遠大將軍從三品武散官承德郎正六品奉議大夫正五品登仕郎正八品竝文散官諸路府上路設治中判官各一員諸路各設司獄司司獄一員平準行用庫提領大使

副使各一員兩淮鹽場二十九所第二十八曰臨洪每場管
勾一員從九品管作管別體元諸路有福州路宋為福建路
元至元十五年為福州路此云福建路或改為福州之後曾
經仍為福建為史志所弗詳歟抑英為治中在至元十五年
前福建尚未改福州歟元統三年即後至元元年是年十一
月始改元故九月仍稱元統也萬公卒於前至元五年年八
十有二當元世祖中統元年年已七十有三當是仕宋入元
者故敘述勳階甚略葬於元統三年上距公卒凡六十七年
亦可異已夫人付氏希姓王圻續文獻通攷明異姓按察副
使付吉大城人五作三尤別體之塵見者

李欽嗣墓誌 有益

石高一尺五寸二分廣一尺二寸六分十八行行二十二字正書蓋三行篆書

故晉甯李公欽嗣之墓 篆蓋

先考□□似韓鼎二字字□嗣□李氏百□晉甯路臨汾縣天□鄉李

村人曾祖孟曾祖妣□氏王氏祖考進祖妣張氏王氏先考生於

至元二十八年辛卯十一月初四日癸酉幼有至性事親孝謹博

睦姻族不妄言笑與左丞胡庭多理質班公教授曹南李時中內

掾鄴郡楊從道同師於中山王京甫先生學業克脩或勸以仕則

辭曰言忠信行篤敬終身行之得稱善人於鄉里足矣遂不干進

延師教誨等期於有成不幸得疾時禱在京師比疾革囑搗曰

吾不及見禰汝而禰其勉於為學以慰吾望也且吾緣母命不忍
歸葬令弗克如志而計汝等當弗能北歸可卜宅於此以葬吾母
而吾從祔焉慎毋違也後至元三年丁丑九月壬寅終於揚州寓
居之正寢享年四十七嗚呼痛哉配同郡張氏子男二人長撫次
禰女一人亭哥女孫一人閔童撫等遵治命忍死卜以十一月二
十四日庚申奉先考柩葬于江都縣同軌鄉陳莊之原祔祖母柩
葬日迫未暇乞銘於當世名筆以發幽光姑撫歲月邑里大槩納
諸玄堂孤子撫等泣血謹誌

奉議大夫戶部主事南宮礪填諱

誌首行石多泐損其諱字姓皆不可辨幸益存得以知之元

制以省統路路統府州府州統縣而路亦自有所領縣臨汾則晉甯路所領之縣蓋即其治所也誌敘三代而不及考妣則所謂曾祖與祖者即據撫所自稱而言左丞教授內掾舉其官胡庭曾南鄴郡舉其地左丞正二品副宰相與右丞號左右轄元初中書尚書兩省各置左右丞其後尚書省罷置不常右左丞亦分併不一至大四年卒罷尚書省止設中書右左丞此誌所謂左丞自屬中書省矣諸路總管府各設儒學教授一員正九品散府及上中州各設教授一員從九品又有蒙古及醫學陰陽等教授京師各臺院及行臺行院均設有掾史獨奎章閣學士院謂之內掾凡四人又有譯文內

據二人然則楊君蓋供職奎章閣者元史各部主事未載品秩然載以外郎從六品則主事當是正七品戶部主事大德五年定額八員眡他部獨多奉議大夫則正五品散官也

重修真武廟施地施米記

石高一尺五寸廣一尺一寸正書

中山府曲州城西北水竇岩鎮郡觀宮建立真武廟十一所

□正元端節重修施地壹拾伍畝

善人安思從室人鄧氏

德主善人李貞室人耿氏 張虎

衆善人等開列于後閭通張魯閭文章

崔奉牛海趙中 閭全閭鐸何保張降

同長里善人田弼施良十及 石匠楊青

高奉施白米三拾石 木匠趙厓

至正元年端節日重建立 塗水匠嚴卯

案元史地理志有曲陽縣並無曲州此當即石匠等任意刻
刻不足為據實即曲陽也惟曲陽元初曾改置恆州後隸保
定僅中間還屬中山府據此刻則至正初尚隸中山其移屬
保定當在此後地理志繫之保定路者以最後為定也閭俗
閭字衆即衆海當即海字今世斤兩之兩市井皆作及蓋因

草書省半作方展轉沿誤遂成此形金銀之銀亦皆省去金旁竟作艮字觀於此碑則知元時已然矣

莫簡墓碣

石高一尺八寸寬一尺六寸二分十行行十一字字徑一寸正

書有墓碣

大元故嘉議大夫平江路提管莫簡字居敬京地人前至元丙寅十二月生至正戊子七月以壽終于正寢享年八十有三禮迪祖妣李氏考祺妣田氏妻邢氏用公貴咸授三品封贈冢子浩廢七品派官次年春遵儒禮樸樸素祔葬長安縣苑西鄉青架社先塋之穆詳載別石

按元史百官志嘉議大夫文散官正三品諸路總管府至元

初置二十年定十萬戶之上者為上路十萬戶之下者為下路路當衝要者雖不及十萬戶亦為上路上路秩正三品達魯花赤一員總管一員並正三品兼管勸農事地理志平江路上路唐初為蘇州又改吳郡又仍為蘇州宋為平江府元至元十三年升平江路京兆即奉元路唐初為雍州後改關內道又改京兆府元中統三年立陝西四川行省治京兆至元十六年改京兆為安西路皇慶元年改安西為奉元路莫君卒於至正八年京兆改奉元久矣生於前至元三年是時京兆未改安西不曰奉元而曰京兆从其初生時地名或記述之例當如是歟長安奉元路屬縣長安志云苑西鄉在縣

北三里管崇徵里唐鄉名也迄元末改末云詳載別石蓋別
有碑誌此特墓碣耳祖字當在禮迪上筆誤

錫齡案碑書祖作禮
迪祖其名似非筆誤

國書碑

碑並額座高一尺五寸許廣六寸七分五行字數不計額座及
兩旁皆花鳥文

國書碑
北三里管崇徵里唐鄉名也迄元末改末云詳載別石蓋別
有碑誌此特墓碣耳祖字當在禮迪上筆誤

社稷神位

紫金石萃編有國書碑其文較此平易近人王氏不能譯附之金末此刻尤奇詭與彼碑不類故置之元代俟識者攷之

社稷神位

二石各高一尺九寸廣七寸強正書

大社神位

大稷神位

社稷者與國終始者也禮稱喪國之社屋之解之者曰不受天陽也然既屋之則必不散棄於野可知矣於此猶見古人

忠厚之道焉此社稷神位固元帝為壇祀之者也乃明兵既
入元社已墟遂縱令顛踣荒原牛馬踐履無復過問又數百
年而乃為余得吁興敗之故夫豈微哉有國者可以鑑矣

匄齋臧石記卷四十四

明

程羽甫詩刻

石高一尺七寸廣二尺四寸三分正書

漢昭烈樓桑廟二首

樓桑大樹翠繽紛鳳鳥鳴時曾一聞
合使本支垂百世詎知功業只三分
空村常帶燕山雪古廟猶飛蜀道雲
尚賴偏方傳正統離芳草伴斜曛

髀肉潛生歲月長偏方鼎立□興王
每思仗劍追隆準無復歌風返故鄉
熊羆威聲先寂寞蛟龍雲雨亦淒涼
可憐吳魏多姦計諸

葛生存漢不亡

重謁廟分韻得雲字

誰憐漢室竟三分桑柘枯條帶落曠遺老凋零披草莽故宮慘淡
會風雲龍飛舊國傳今日龜戴穹碑篆古文俯仰空成詩客恨啼
烏滿對不堪聞

書
皆洪武七年春二月奉訓大夫知北平府涿州程羽肅題并

處士陳祥墓誌銘

有蓋

石高廣各一尺一寸五分共二十行行二十字字徑四分正書

故處士陳淑和墓誌銘

蓋正書雙鉤刻行
三字徑三寸許

故處士陳公淑和墓誌銘

處士諱祥姓陳氏字淑和其先宝應人迺教授子奇先生之孫父貴菴母張氏生處士於維揚幼而岐嶷言行不苟藝然如老成人厥父先卒於洪武壬午歲處士鞠於母氏讀書明理超出群類及冠孝厥孤恃友厥兄弟與夫克儉治家克勤教子睦親無忤樂施無倦井然有理既而母氏卒處士號天而泣五內若崩泣血三年未嘗見齒其篤孝之心若此人孰不起敬起仰之也晚歲以末家業甚厚正宜享壽考而樂康甯惜乎一疾而終焉在正統丁巳七月二十六日也處士生於洪武丙辰十一月初一日壽得六十有二取配夏氏早逝子男五人曰琳曰璉曰璟曰璠曰璩琳娶劉氏

生孫一曰价孫女二尚幼璉娶孫氏璉娶金氏璉璉俱未婚卜以
是年十月二十九日葬處士於揚城之西善應鄉之祖塋先期子
琳等泣而請銘於余故不辭而為之銘曰

幼克孝親

長克御弟

持身以敬

接事以義

若子若孫

繩之無替

斯石用銘

永昭千世

正統二年歲次丁巳冬十月二十六日廣陵陳稷撰

祥生於洪武丙辰年至壬午巳二十七歲若其父果卒於是
年則年已及壯與鞠於母氏之語不合且洪武無壬午歲壬
午乃建文四年也竊意其父當卒於洪武壬戌誌中壬字乃

戌字之誤蓋壬戌為洪武十五年時祥甫七歲故云鞠於母氏耳又誌云及冠孝厥孤恃殊不成語若以孤字為怙字之誤則是時父已早卒亦屬不合竟不知果作何語誌敘其第三子曰環而下文又作境蓋係筆誤

處士竇敬墓誌銘

石高一尺六寸廣一尺五寸八分二十六行行三十一字字徑四分正書

處士竇公墓誌銘

賜進士行在翰林院脩撰承務郎姑蘇張益謨文

奉政大夫脩正庶尹禮部祠祭郎中永嘉黃養正書丹

中順大夫太常少卿兼經筵侍書廣平程南雲篆蓋

公諱敬字恭禮姓竇氏定州仁樂鄉人先祖禹鈞有陰德生五子
皆顯達于宋其一為端明殿學士儀儀生端公實端之裔也母韓
氏公幼穎悟甫十餘歲即粗知孝經論孟大義補州學弟子員治
周易洪武乙丑當戍滇南公且行輒嘆曰吾將以儒業致身奈何
隸名戎籍茲非所謂命乎公善醫術其在途中時時貸藥以助行
囊之乏遇有貧而疾者輒施與之嘗經馬隆州有一人在官亭病
汪羸甚衣不蓋體詢之亦從戍者監行之人前數日作病死白官
棄此而去公為惻然衣之衣而飲以藥其人漸得平復竟與同達
戍所其在滇南懸壺市中人求療疾公不以貴賤貧富與其報之
厚薄為差等惟以疾愈為悅戍中有任仲者與公同鄉死而棺不

克具公為具之其妻繼死亦然其子後能成立家業又皆公之力也公嘗役使者至八百老撾諸夷域凡三往返雖冒瘴癘公有善藥同行率賴無恙有醫者陳善政與公同至孟養忽得疾將革以行索付公且屬骸骨公諾之善政死公為火其屍并骨與索歸其子公之樂於為義類如此宣德辛亥子翰克承家學遂膺薦剡公得北歸未至鄉邑數十里即徒步趨之率諸宗戚脩謁丘隴而曰敬束髮從戎自分埋骨異壤豈意白首生還此皆祖宗積德所致言興淚俱觀者感動既而與翰同來

京師翰素承家學療疾多效有譽士林而公晚歲僣游養備甘旨日以詩書教諸孫子人謂其畚於前而豐於後云正統六年正月

十五日以壽終享年七十有七娶同邑王氏有婦道與公偕終子一翰也女一慕貞適樊忠孫男五禮裕禧禎祜曾孫女一翰將奉柩歸卜以二月十七日塋祔先塋奉狀乞銘公之居

京師也與予隣觀其言行端飭誠為有德之士銘故不辭銘曰士之所存在溥厥施公克懋茲罔間顛沛醫用起疾財以卹匱匪譽是干惟義之嗜壽考昌臻善所由致歸遂首丘尚東利其後嗣

誌稱敬為賓儀子端之裔案宋史賓儀傳載儀三子諱謁誥無名端者今據誌云儀生端則儀不止三子本傳必有脫漏既爾則端之名其字必當作端蓋儀諸子姪皆以言旁命名

不應一人獨否此作端者蓋以謫字不習見其家譜傳寫必
已謄誤也誌云洪武乙丑當戍滇南乙丑乃洪武十八年攷
明史洪武十四年九月命傅友德藍玉沐英帥師征雲南十
五年正月雲南平十六年三月師還沐英留鎮雲南其發民
戍邊之事史所不載惟十九年二十年皆書屯田雲南蓋是
時滇境雖平而其酋長仍時有蠢動如明紀所載烏撒諸蠻
復叛土官楊苴土酋安伯作亂及思倫發寇景東皆此二三
年中之事反側未定留兵又不足故發民戍之如十七年備
倭苦無戍卒用方鳴謙策籍民為兵正當時事例也敬以洪
武乙丑戍滇至宣德辛亥始歸計在戍所四十六年是時年

已六十七歲所謂束髮從戎白首生還非虛語也謨文人張益明史有傳益字士謙永樂十三年進士由庶吉士授中書舍人改大理評事與修宣宗實錄成改修撰與此誌結銜合後進侍讀學士以直文淵閣扈從徇土木之難距作誌時裁六年傳稱益博學強記詩文操筆立就三楊雅重之是其文固有名當時者惟傳稱江甯人此作姑蘇未詳孰是其署銜稱行在者攷明史仁宗洪熙元年三月帝將還都南京詔北京諸司悉稱行在帝旋崩不果至英宗正統六年十一月以乾清坤甯二宮奉天華蓋謹身三殿成詔定都北京文武諸司不稱行在此誌作於是年正二月故猶以行在入銜也

慶陽府知府孔哲墓誌銘

石高一尺四寸廣一尺四寸七分三十三行除棧頭每行三十
字字徑四分正書

故中順大夫陝西慶陽府知府孔公墓誌銘

慶郡太守諱哲字文明號致菴世為東魯古莒之望族也□府
郡庠為子弟員自幼聰敏異常其學以四書為本於經則專於
詩至於子史群書無不博覽旁通□得其旨公天性現傑溫和
而屬於父母則盡其孝養於昆弟盡其友愛於宗族則盡其恭
敬於鄉黨則盡其和睦寬洪雅量人罕及之永樂甲午年方弱
冠高中巍科□胄監未幾歷政蘭臺明刑課最永樂丁酉年二
十有五

欽授山西平陽府別駕下車之初乃曰賦役之均撫字之勞使民安於田里而無愁嘆之聲者郡佐之職也於是承流宣化上為朝廷分憂下為生民造福有古之風後調河東運副運司自大明洪武至正統年間猶未立學公至騰章上

聞始方開設擇甲第一區勅建殿堂黌宮庖厨之次輪然煥然論三晉學校科貢人才倍出者未有盛於此也由是名震京師是以大臣卿相鶚薦於朝

皇上□其忠蓋遣使持書詣其門廬擢授斯職公奮然首興學校勸課農桑教民稼穡教黔黎除強暴去奸貪千里之氓咸貼席矣其於應祀廟宇言設衙門邊儲倉庫莫不修理不二載煥然

一新嘻以公之才之德真不負

朝廷之育賢矣予喜公父母具慶年踰八袞兄弟俱存人皆所願
欲而不可得公兼有矣公之大父諱希魯才優學瞻隱居不仕
人稱之曰沂峯先生父諱亭華亦博學好古之君子享五福於
家公乃箕裘之學也豈意黃堂倏然感疾正統丁卯三月二十
一日丑時於解舍正寢而卒公生於洪武癸酉五月二十八日
辰時春秋五十有五配尹氏崔氏子五人曰源曰淮曰涇曰澄
曰洋淮為郡庠生資□不凡好學不倦他日所就豈可量乎涇
洋俱讀書有志於學所以難為□□□公令子之賢之美必
繼公志矣女六人長適千戶李鎮次適段密次□丁繼先次適

許信二幼俱在室孫三人曰釗曰錫曰鉉孫女二人淮等號痛
哀毀乃衰經踵門所述事狀泣請於予曰淮罪逆深重禍延先
考在庠所縻疾弗克持湯藥歿弗得供飯含終天之痛莫之能
既今將歸桑梓五月日卜地於郡城東北仕陽村南十里許左
右背山水名曰石王峪中有平原為佳城殯於祖考之側□一
言以銘之庶有以發先考潛德之幽光也義不可辭予亦樂道
人之善遂按行狀述其事以實錄之乃為之銘曰

少游郡庠 卓犖非常 志學先覺 進德難量 棘闈鏖戰
虎榜名揚 暨居冑監 學術優長 橋門遴選 歷政都堂
筮仕五□ 分虎平陽 民思召仕 □□龔黃 朝臣鶚薦

紫綬金章 官至中順 聲震秦邦 豪強屏迹 稟若冰霜

宦游數紀 令聞孔彰 孝於父母 忠於 君 君字原刻在次行王字上

王天不憖遺 遽殞賢良 倏然聞訃 闔郡悲傷 勒諸琬琰

子孫聯芳

□□□□五月肅日戊子鄉貢進士河東邢麟述

據所敘則作誌時其父母尚在而稱其父諱某謬矣銘詞民思召仕仕乃杜字之誤疑所卜仕陽村亦當是杜陽村

南京司禮監左監丞梁端壽藏銘 有蓋

石高一尺七寸六分廣一尺七寸三分三十四行除擡頭行三十三字字徑三分許正書

明故南京司禮監左監丞梁公畧藏銘 篆蓋行四字字徑三寸二分至三寸八九分不等

明故南京司禮監左監丞梁公壽藏銘

嘉議大夫南京吏部左侍郎前

國志摭載

文華殿賜一品服

東吳錢溥撰

勅南京守備掌中軍都督府事成國公

鳳陽朱儀書

勅叅贊機務南京兵部尚書都察院右副都御史資善大夫三原王恕篆

公姓梁氏名端字玄中其先係安南國諒江府平河縣人生於永樂四年既長十有□歲時

天朝兵南下取公來歸至永樂十八年公年十四奉

太宗皇帝勅取赴京師洪熙元年選入內書館讀書公天性聰敏動止端謹博通書史知古今大義宣德二年七月內選入司

禮監歷事年方十六正統間京師大興工營建

奉天等殿

上知公精于書筭諳練庶務命揔掌書筭合用一應錢糧物料并給賞文武官員及官軍匠作銀兩鈔錠絲段等物明白奏准用過之物一一分理回奏天順元年奉

英宗皇帝聖諭但遇齋戒之期於武英等殿侍

上撫琴及各調音韻詩詞應答稱旨

上甚悅之特加恩寵遇

聖駕遊幸各處日侍左右命書寫御覽并筭數等事尤為精敏天順三年勅命前往廣東等處採取玳瑁五年尋奉勅

留公鎮守珠池地方防護盜取後六年不幸遭廣西流賊攻
破城池被賊拘留一旬幸遇廣西右叅將都督孫公麒統領
官軍勦殺賊寇獲公得脫大難識者謂公為善之報也未幾
奉勅取回南京優養成化四年取赴京陞南京司禮監奉
御後十五年加陞左監丞職掌南京內府憲章公為人剛直
明敏練達老成振立紀綱執法守禮人皆畏服名譽益著公
感

上恩德自年十四時歷事

列聖以今弘治七年四月廿七日終享年九十而蔗境優游無事
乃預為壽藏于聚寶門之南聚寶山向陽之地堪為千年壽

域樹木立石又作石門石獸是地係古剎塔院今七十餘年
歲久頽廢公特捐已貲從新脩理創造佛殿墻垣造三佛羅
漢伽藍祖師天王以次完備其塔院四至東至寶光寺北至
高座寺西北至雨花臺西南連山陌路週迴墻垣共一百八
十堵公乃立石用紀歲月以垂永久乃請予為文以表其事
予惟公之預為壽藏而不諱可謂達生知命者矣其賢於人
也遠哉予故不辭公之請用表于石俾後之人知所敬焉復
系之以銘曰

粵惟南交 篤生偉人 際此明時 入侍

聖神委重司禮 祇慎益勤 屢加眷顧 恩寵彌新

執法守禮 綱紀斯陳 蔗境優游 年躋九旬

鳳臺之南 山勢嶙峋 預卜佳城 于焉蛻身

達生知命 無愧天民 益隆壽祉 垂千萬春

據誌稱端先本安南國人十有□歲時明兵南下取以來歸
永樂十八年年十四奉勅取赴京師以年歲計之則其歸中
國在永樂十五十六十七三年中攷成祖紀永樂十五年二
月豐城侯李彬鎮交趾六月十月歷討交趾賊黎核楊進江
皆斬之十六年正月交趾黎利反都督朱廣擊敗之二月四
忙縣賊殺知縣以叛李彬遣將擊走之十七年五月都督方
政敗黎利於可藍柵是時安南寇亂征戰頻年即誌所謂南

下之兵也惟十有□歲適缺一字其為何年取來則不可知矣又誌云正統間京師大興工營建奉天等殿攷永樂十九年甫遷都北京其年四月奉天華蓋謹身三殿災故詔羣臣直陳闕失英宗紀正統五年三月建北京宮殿六年十一月乾清坤甯二宮奉天華蓋謹身三殿成與此誌所書正合又云天順三年勅命前往廣東採取珍珠五年留守珠池後六年遭廣西流賊破城被拘遇廣西右叅將孫麒勦賊脫難攷英宗後紀天順三年二月遣御史及中官採珠廣東正即此事所謂中官亦正即端等至所云後六年當即指天順六年是時兩廣諸徭所在猖獗征討者累歲范信守潯梧陰納徭

賂縱使越境流劫約毋犯己於是雷廉高諸州肇慶諸府悉被寇端在廣東而為廣西流賊所拘當即遭此事英宗紀書六年五月顏彪討平兩廣諸徭則所云勦賊之孫麒當即彪所遣之將矣篆蓋王恕故勝國名臣事蹟具明史本傳恕自雲南歸改掌南京都察院參贊守備機務數月遷兵部尚書參贊如故尋命兼右副都御史巡撫南畿此誌結銜悉與史合惟恐官留都最久然皆在成化以前若如此誌所云弘治七年則恕已久官京師非復南京舊職矣但誌既稱端預為壽藏則必成化中已為書篆故仍據舊銜題之耳撰人錢溥明史無傳然其事見於陳文傳中天順末已官侍讀學士憲

宗立以罪謫知順德縣今撰銘距謫官時又三十年此石署
銜則又後來積陞之階也

謹案書侍讀學士錢溥以罪貶官御批通鑑輯覽亦

陳

文傳載溥嘗授內侍書其徒多貴幸常私謁其家今此銘亦
為內侍作適足與史文相印證矣書者朱儀乃成國公朱能
之孫儀與父勇俱附見能傳傳載勇嗣成國公從駕至土木
迎戰中伏死所帥五萬騎皆沒論罪奪封景泰元年勇于儀
請襲禮部尚書胡濙主之又以立東宮恩得嗣天順初儀及
子輔皆守備南京與此誌結銜合傳稱能懷遠人而此題鳳
陽一舉其縣一舉其府也

張穆方孺人合葬墓誌銘

有蓋

石高廣各二尺有奇三十行除陸頭行三十三字字徑五分正書

明故魏菴張處士合葬墓誌銘

篆蓋行三字字徑四十四五分

明故逸菴張處士合葬墓誌銘

賜進士出身資善大夫工部尚書前都察院右副都御史奉

勅總督南京糧儲楚萍文明撰

賜進士第嘉議大夫通政使司通政使前都察院右副都御史
奉

勅巡撫遼東地方兼贊理軍務古燕孫檉書

賜進士出身通議大夫通政使司通政使加從二品俸直

文淵閣侍 經筵嘉禾張文憲篆

嘉靖己酉秋七月二十有五日逸菴張處士以疾卒于正寢
其子謙衰經持窓友朱進士天俸狀乞銘于予予與處士同
里閑且謙從遊日久知處士深者宜莫如予忍以不文辭按
狀處士諱穆字汝遠其先蘇之吳縣人曾祖諱道清永樂初
以富戶實京師遂占籍焉道清生羽翺羽翺生福與壽福號
惠菴娶楊氏生子二長和次即處士處士生而沉默厚重不
與羣兒戲惠菴重之遂命就學授經史即通大義母卒哀毀
盡禮未幾兄和亦卒惠菴年近始衰處士不欲勞以事乃自
董家政殫力幹蠱致家饒裕事惠菴與繼母李委曲承順務
得歡心待嫂氏有禮撫姪讓如已出比長兩為納婦用是父

母安于養嫂姪得其所絕不知寡且孤也讓子應麒蚤失恃
尤加意愛護婚娶以時人皆以孝友慈愛歸之與人交坦率
自如不立町畦人有急輒憫然思濟或負之者亦未嘗與之
較每以廢學抱歎乃為謙擇友隆師教以績文種學謙遂領
嘉靖甲午順天鄉薦自謙賓興處士盡謝家政日偕二三知
己尋幽覽勝肆志林壑雖至親宴會亦鮮赴曰吾志遠矣逸
菴之號蓋取諸此配孺人方氏柔順貞靜克脩內政處士孝
于親敬于嫂慈于姪孺人之助居多謙累試南宮不偶處士
誨曰家貧親老汝不仕胡待謙不獲已就選銓曹授武鄉令
無何改河南藩司副理問謙遲遲其行處士促之曰忠孝勢

不可無汝有官守勿以我老為念謙遂勉承履任方數月謙
忽心動乃懇于上以歸省僅旬日孺人偶疾作即不起時嘉
靖戊申十二月二十四日閏七月處士亦不起嗚呼二親家
屈其子偶以公事至及蓋棺之日子則躬親含斂茲固處士
夫婦積善之徵而謙誠孝之感亦可見矣處士生于成化甲
午四月一日享年七十有六孺人生于成化戊戌十一月二
十五日當年七十有一子男二長即謙娶祝氏繼周氏次說
善生殖娶戴氏繼盧氏孫男一應聘娶貢士滕君霽之女孫
女四長遼光祿寺少卿陳公芹山之孫餘尚幼謙以處士卒
之年十一月二日扶柩于城南田家庄祖塋之側啓方孺人

竊而合葬禮也銘曰

維彼翁方曠達之行曰配貞淑室家之章倬哉佶嗣訓以義方可謂有子雖忘弗忘

文明孫禮張文憲三人所署之銜官已崇顯而皆不見於史傳案世宗嘉靖二十六年詔裁南京糧儲都御史以戶部侍郎兼理至三十九年因南京以闢糧兵變戕督糧侍郎黃懋官始復設糧儲都御史以章煥為之此誌作於二十八年任都御史已裁之後銜題前都察院右副都御史總督南京糧儲蓋居此官在二十六年以前也籍稱楚萍當即係江西省之萍鄉縣張氏以永樂初實京師即後之南京文明稱與同

里開者蓋流寓於此不必疑其籍金陵也

王祿等造象記

石并象高一尺四寸下刻記高二寸八分廣七寸三分正書左

信人法心王祿史氏王賢王贊王寶嘉靖三十四年四月二十二日立當六傳王氏 楊氏

陳鳳梧詩刻

石上下俱斷以詩計之上缺一字下缺十字字徑二寸體小篆

缺

兀燿靈出沒間懸崖側足費躋攀

下缺

缺

來脊此凶鬼斧劈門千古在僂蹤

下缺

缺

轅樂雞犬無聲自壹寰

缺門橫闕兩三間高竝壘河手可攀

下缺

缺翠接泥山異龍洞杳應多關玉井

下缺

缺雲頂吐吞圓月出人寰

予已巡撫陞青州竣事之餘登

下缺

詩次韻得二首已紀興勝云嘉

下缺

廬陵靜坐陳鳳梧題

按嘉下自係靖字鳳梧字文鳴卒於嘉靖二十年此自是二
十年以前刻也

宋秀買墓地合同

石二前石高七寸六分寬七寸三分後石高七寸五分寬七寸
四分各十四行行十六字竝字徑三分正書前石右行合同二

年在兩石之間各分其半合字徑六分同字徑七分

先考宋公溥妣陶氏收執

五帝使者女青律令

右券給付

主吏自當其咎安葬之後永保子孫旺相富貴清吉急：如
道路將軍齊整阡陌致使千年萬載永無殃咎若違此約地府
一十二步左青龍右白虎前朱雀後玄武分僻四域丘丞墓伯
財買到永真鄉民人陳忠墓地一方南北長一十二步東西闊
遑所厝擇此高原來去朝迎山明水秀龍磐虎踞悌已出備錢
先考宋公溥先妣孺人陶氏奄逝以來未卜墳塋夙夜憂思不

都縣在城昇平坊居住祭主孝男宋秀等伏緣

隆慶二年歲次戊辰三月辛亥朔越四日甲寅直隸揚州府江
維

合同

□

隆慶二年歲次戊辰三月辛亥朔越四日甲寅直隸揚州府江
都縣在城昇平坊□住祭主宋秀等伏緣

□□宋公溥先妣孺人陶氏歿逝以來□□墳塋夙夜憂思不
遑所厝擇此高原□□朝迎山明水秀龍蟠虎踞悌已出俗錢

□□□永真鄉民人陳忠墓地一方南北□□十二步東西闊一十二步左青龍右□□前朱雀後玄武分僻四域上丞墓伯□□將軍齊整阡陌致使千年萬載永無□□若違此約地府主吏自當其咎安葬□後永保子孫旺相富貴清吉急々如

□□使者女青律令

右券上奉

□氏之神

昔人買置墓地券約入石以漢延熹七年真道家地碑為最古其賣買合同之例有金京兆府合同平涼府合同見馮登府金石綜例此合同乃納諸壙中者則金石例所未載也未云急急如五帝使者女青律令按北齊高僞為妻王江妃造

木版文勅汝地下女青詔書五道大神司坂之官云云則亦
於古有所本已正丞墓伯字樣甚新

史母楊氏墓誌銘

有蓋

石高二尺一寸廣二尺一寸四分四十三行除槩頭每行四十
字字徑四分正書

明故太儒人史母楊氏墓誌銘

篆蓋行三字
字徑六寸強

明故太孺人史母楊氏墓誌銘

賜進士第

欽差整飭霸州等處地方兵備山東布政使司右叅政兼按察司

僉事前刑科都給事中侍

經筵奉使朝鮮

賜一品服奉

勅巡視京營翰林院庶吉士南海梁有年撰

賜進士第江西道監察御史巡按陝西甘肅一鎮奉

勅督理學校前翰林院庶吉士瀛海楊文范書

賜進士出身文林郎大理寺右寺右評事北地米萬鍾篆

今上龍御之廿有二載余舉順天鄉試與同籍史長卿最善登
堂拜母叙年家子誼焉長卿故績學得九熊之力居多余以
糠粃成乙未進士涉宦京邸長卿不以余不佞卒幸教之會
余備兵霸上長卿亦為母春秋高屈志捧檄祿養未幾遽聞
母訃余方悼慟謀所以唁長卿者長卿迺持緡雲今狀匍匐

來丐余銘其墓余習太孺人淑行懿範甚衆即弗文焉敢辭
按狀太孺人系出於楊楊於東吳為望族歷世顯赫父自新
公潛德弗耀慕龐德公之為人隱居敦行富壽多子生太孺
人行五年最小弱而溫慧天植勤敏過人父尤鍾愛之為其
於諸昆中特秀出云迨長歸執金吾松峯公益修婦職松峯
公父母蚤世祖大母高堂待養太孺人事之誠敬備至家值
中圯有已悉不令公知躬操井臼周旋匱竭其具食未嘗弗
旨侍奉餘十年罔易念焉松峯公倜儻多大節其視戶侯策
志弗展也太孺人相勉翼翼俾就大業又任俠喜賓客太孺
人拮据鞠棘務給之毫不貽公憂雖倉卒窘甚而賓客無有

失者以故人多北海之雅而深嗟陶母之賢也公同堂弟析
產宅徙家益落不能自振因而就食太孺人不俟公言罄其
饑寒而衣食之週養數載獲終於家親族中孤嫠不得所者
亦必曲為顧恤無所怙素通女訓書史性沉毅寡言笑而恢
宏有朗鑒剖決疑事殊不詭於經義內外咸豔羨謂太孺人
甯獨慈惠勝也其幹略更勝如此生三丈夫子二女訓迪加
厲嘗曰子之不才惟母姑息繇是勸以力學不憚遠從師友
稽程核藝疊疊無倦其擇婿不遺寒畯惟雅有抱負者是許
故諸子皆以文學顯而宅相得人有以也長卿數對公車未
售丙午始就為郎□翰迎養太孺人於官所郎人士故雅馴

迺邇來風尚稍稍頽廢遭比歲荐饑士多貧餒者長卿至銳
意□刷太孺人謂曰作新固爾事我聞善教匪直矯輕警情
而有恒有助學之常典爾其與令君函圖之無缺士望為長
卿奉命於凡士之無力婚葬者俯仰不贍者請之令令一一
如長卿請於是邑之人翕然稱盛舉誦說太孺人之德不衰
太孺人以恭儉嚴潔率先諸婦而撫愛諸孫尤篤摯尺度唯
謹至臧獲則胸胸拊循叱訶鮮及生平甘澹貶飾家人禁絕
華靡一縑一粒曾未有遺棄者自醽淑慎自少至老終始無
貳誠非閭閻之流所能儼也先是太孺人懷總女孫思歸長
卿重拂其意遂送之歸私念母精神尚矯健即百齡可期乃

戊申冬偶以微恙告終哀哉哀哉計至鄣長卿躄踊死而復甦者再諸生環守雪涕及旋執紼而祖者凡若而人若曰太孺人作興我助恤我也長卿戴星奔赴以襄大事既度且備可謂孝矣嗟乎太孺人以克家之令儀享純嘏之景福而德音碩德在國在家有贊之當世垂之千古者假使董馬而在必且列之賢媛豈余管蠡所能揄揚萬一耶距其生嘉靖戊子四月二十四日以萬曆戊申十月二十一日卒享年八十一有一生子三長應元長卿與余同舉娶太學生王崙女次應亨庠生娶錦衣百戶趙功女繼千戶張澄女次應利庠生娶舉人羅士賢女女二長適甲辰進士德清尹孫承祿次適鄉

進士縉雲尹潘良案孫男四長尚質錦衣校尉娶處士夏國
相女繼楊禮女次本質廩生娶庠生劉承詔女繼郭文煜女
次從質娶庠生尹三詔女次敦質娶程應登女俱應元出孫
女一許舉人于中行李子應利出曾孫男五可傳尚質出可
法從質出可程可度本質出可鑑敦質出曾孫女六俱幼長
卿卜於十二月七日扶太孺人柩與松峯公合葬於魏村社
之壠余謹備採芳躅識之貞珉復為之銘銘曰

奕奕史宗興於武冠賢母初歸門戶稍卑傳鉢自楊蔚然詩
禮扶衰振弱文運聿啓克順夫志克修婦儀子肖孫良惟母
是師伯也成名家貧親老版輿遙將還轅何早南鄉以喜北

鄉以嗟牽衣方訣惠音遽遐某婦埒賢孟母媲德籍甚風流
允矣靡忒玄泉漠漠宰木冥冥荒垤暫闢幽壠長扃我銘斯
章載藏厥域萬祺千秋式昭女則

於庠此前明督師史忠正公曾祖母墓誌也公勲德節義著
於天壤紀於史乘昭然若日星矣顧其家世終弗詳孰若此
誌具述先德備敘枝派無異譜牒之切而可據哉迄今三百
年而幸不泯沒使後之人有所攷豈非一大快事歟按明史
本傳載公大興籍今誌敘應元官部□翰聞訃匍匐乞銘有
年時有年備兵霸州鄣則今柏鄉縣地由柏鄉奔喪而過霸
州則其家京師可知傳載公父從質母尹氏與誌合又稱祖

應元舉於鄉官黃平知州誌但云為部□翰蓋官黃平在作誌後矣又傳稱公世錦衣百戶與銘詞李奕史宗興於武冠語亦合傳載公弟可程官庶吉士京師陷降賊觀誌始知為公從弟云有年為乙未進士乙未即萬曆二十三年蓋者米萬鍾明史附董其昌傳萬鍾字友石亦萬曆二十三年進士書法與董其昌齊名當時有南董北米之目觀此誌則知又善篆書也此誌所署之銜本傳皆未載第云厯官江西按察使崇禎初起太僕少卿卒官而已篆蓋孺人作儒人案說文有孺字曲禮大夫曰孺人不聞別作儒人此書孺作儒未詳所本宅相二字世皆以為姊妹子之稱此以稱女婿則當

取為韓姑相攸之意固不必拘魏舒故事也

錫齡案此韓姑長孫官錫本族尉益即世孫

孫偉表平倭功略殘石

刻式如法帖僅存末段計二十四行行九字正書

肅皇帝之威而倭敢躡我內地雄鷺可見乃者傾國犯朝鮮憫然欲援有其國而與我夾江而處其志何為自公仗鉞臨戎而倭始崩跼埽跡使國之威靈震於溟海而疆圉奠於泰山此其功豈僅僅折衝禦侮與捍邊之臣等哉公之為德於鄉者著於父老之心而微言緒論載在學士之口茲不具論至於安邦定國之烈雖史官翔之而石室之副未行謹表其略以傳當世云賜進士出身資政大夫賜飛魚衣兵部尚書管都察院左都御史事前戶兵二科

給事中兩侍經筵渭南

舊治生孫瑋頓首拜撰集隋

空王碑法帖上石吳郡吳尚端集書并刻

瑋字純玉萬厯五年進士事蹟具明史本傳其為戶科給事中本傳未載則史之闕文也瑋以萬厯四十年十二月以兵部尚書掌左都御史事至明年十月即予告歸在位不及一年觀文尾結銜當即撰於是時惟僅存末段竟不知為誰人所作其言公之為德於鄉者云云似其人乃文臣且瑋以渭南人而稱舊治生又必其人曾官關中者攷朝鮮之役先後經略軍務者如宋應昌顧養謙孫鑛楊鎬萬世德及薊遼總督邢玠皆無功可紀且或喪師又自楊鎬外史皆無傳其曾

官秦與否不可知惟當時將帥如李如松麻貴陳璘劉鋹董元等各著戰績所謂仗鉞臨戎者或即其人然考之明史璘鋹皆未蒞陝如松以萬曆二十年哮拜反時為提督陝西討逆軍務總兵官而貴及一元又皆先後鎮守甯夏且皆為延綏總兵官是三人皆曾官關中者必欲指一人以實之固別無確證矣惟文中有史官翔之一語當時必已立傳其人必且前卒貴以四十年始引病罷歸既不相應一元之卒史不書年惟如松歿於遼東土蠻之亂在二十六年四月距撰文時已十餘載年歲既合而平壤一戰敵人喪膽所謂倭始崩衄掃跡者亦惟如松差足當之然則文中所指稱其殆即

如松歟空王碑即指隋龍藏寺碑既謂之碑復曰法帖亦其陋也

李孟春買墳地券

石高九寸五分廣九寸三分前十行行約二十字下缺一角後署款二行並正書上泐六七字已酉八下缺上泐七八字直隸楊下缺上泐三字夫

李孟春孝男李廣

下缺

故室人劉氏柩去世以來今在利方

下缺

到河東永真鄉地主翟宅淨地一方

下缺

白虎朱雀玄武四至明

白上指

天下至黃泉中穴係亡室劉氏永

下缺

月二十九日奉柩脩塋安

塋之後仰祈

□□靈神其保佑塋主後世昌隆先有居者永避□若違此約地
府主吏自當知袖千秋百世永无殃咎

券奉

穴中故室劉氏孺人收照

以上十二字稍大

右券年號雖泐然楊下當是州字揚州繫以直隸則必明人
所造可知蓋明初應天等府皆直隸京師遷都後雖改號南
京仍與北京並稱直隸故終明之世揚州皆直隸南京不隸
布政司也八下似是月字首書己酉八月則己酉自是歲名
案有明一代歲值己酉者五曰洪武二年宣德四年宏治二
年嘉靖二十八年萬曆三十七年然則年號雖泐必係此五

年所造無疑矣首兩行僅存六字而得藉以攷定是此六字所繫不小也

易序卦傳殘石

原石係分段書刻每段五行行十字正書此僅存三段上兩段上缺二三字右段首行全缺次行存相遇而後四字三行復有缺損下左一段惟難字殘缺其右一段僅存相也兩半字

經文不錄

孝經殘石

僅存片石文自樂而民和睦起至人之行莫大於止左上復缺一角小真書

經文不錄

太極圖說殘石

石僅存上段每行十二三四五字不等正書

□□圖說

文不錄

周子此篇原本大易而實與中庸相

下缺

子脩之吉即所謂率性脩道也此篇

下缺

上接洙泗之統下開河洛之傳信夫

性理韻語殘刻

刻式如法帖存字八行行七字正書

常仁義禮智

缺缺

之綱凡此厥初無有不善藹然四端隨感而見

愛親敬兄忠君弟長是曰秉彝有順無強惟聖性者浩浩其天不

口之三萬善足

浩浩其天下似是不加豪末四字

井欄題記

高一尺四寸廣一尺五寸許兩面刻各十三行行十六字正書

歲在著雍日當尾度余奉

命為秦雍之行囊劍一具度棋二

匱故書數千卷家世所珍略備於是獨余所藏石四百餘種不能盡取以去殊惓惓弗自已將氍毹席裏耶不止數橐駝之力抑聽之甚囂塵上苔封藓蝕耶是余不有是石而疇管之好從耳目娛翫而已然則余於此行殊不可無言於石石多不能盡記記亦不能徧書惟井欄尚有餘地亟鐫數言以為息壤之券余嘗聞之有

愛者有累多貪者多憂故天地之大衆人之好或數季一變成數
十年一變成數百年一變殆非人力所能爲歐陽之所集今所有
者皆無二三矣趙之所錄今所存者十無二三矣余雖據有諸石
遂信爲千秋不墜之業羣譏衆笑其奚以辭然余固有可信於石
者花木禽魚羅致苑囿余弗有也珠玉錦繡緘藏篋笥余弗有也
而僅僅有石是亦可云所愛不博而所貪不奢者矣石奚棄於余
哉況斯石者林立庭戶盜不過問拓贈同好曾無吝祕而巧偷豪
奪之事亦無由而至石又奚棄於余哉石不棄余而余思所以報
石者益不可闕自今以往余惟永矢愛石之心於諸所花木禽魚
珠玉錦繡世相爭爲性命者概捐而弗有庶幾拜石而出載石以

歸與余疇咎石交相視而笑也

此君嗜石與余同又嘗官秦雍而收藏至四百餘種亦略與余等惜文尾未署姓名又未著年代竟不知為何時何人之作惟玩文中歐趙集錄今存無幾等語并詳審字體必係明末人所為以殿卷末適可當全書跋尾而於倫次亦正相符殆亦有前緣耶